

**Avatangiisit innarlitsaaliorneqarnissaannik
Inatsisartut inatsisaata allanngortinneqarnera pillugu
Inatsisartut inatsisaat
(Aatsitassanut inatsisinut tunngasunik
erseqqissaaneq, pineqaatissiisarnermut
aalajangersakkanik allannguineq, eqqagassanik
eqqussuinissamut periarfissat annertusisat,
mingutsitsinernut maannamut
maleruagassiuiiffigineqarsimangitsunut
iliuuseqarnissamut periarfissat, aalajangiinernik
allannguinissamut utertitsinissamulluunniit
periarfissanik annertusititsineq il.il.)**

§ 1

Avatangiisit innarlitsaaliorneqarnissaannik Inatsisartut inatsisaanni nr. 9-mi, 22. november 2011-meersumi, Inatsisartut inatsisaatigut nr. 1-ikkut, 29. maj 2012-imeersukkut aamma Inatsisartut inatsisaatigut nr. 10-kkut, 27. november 2018-imeersukkut allannguuteqartinneqartumi uku allanngortinneqarput:

1. § 4 ima oqaasertalerneqassaaq:

”**§ 4.** Inatsisartut inatsisaannut sulianut, kalaallit aatsitassarsiornermut inatsisaannut ilaatinneqartunut atatillugu avatangiisit innarlitsaaliorneqarneri ilaatinneqanngillat, taakkununngalu maleruagassiuiineq, nakkutilliineq, upalungaarsimaneq akiuiniarnerlu ilanngullugit.”

2. § 33-mi imatut oqaasertalerneqassaaq:

”**§ 33.** Kapitali manna naapertorlugu suliani tamani Naalakkersuisut kommunalbestyrelsime, Nakorsaaneqarfimmut aamma Kalaallit Nunaanni Nersutit Nakorsaqarnermi Inuussutissalerinermilu oqartussaasunut tusarniaareerlutik aalajangiisassapput.”

3. § 38 imatut oqaasertalerneqarpoq:

"§ 38. Kalaallit Nunaannut eqqagassanik eqqussinissaq inerteqqutaavoq, taamaattorli imm. 2 takuuk.

Imm. 2 Eqqagassat pineqartut annertussusaannut suussusaannullu passussinissamut Kalaallit Nunaanni naammattunik periarfissaqartoq Naalakkersuisut naliliippata, Naalakkersuisut eqqakkanik eqqussinissamut akuersissuteqarsinnaapput. Inissiinissaq siunertaralugu eqqussinissamut akuersisummik tunniussisoqarsinnaanngilaq taamatullu eqqagassanik navianartunik eqqussinissamut akuersisummik tunniussisoqarsinnaanani.

Imm. 3. Nunanut, nunat killeqarfii akimorlugit, eqqakkanik navianartunik assartuisarnermi taakkualu iginneqartarnerisa nakkutigineqarnerat pillugit Basel-imi isumaqatigiisummut ilaasunut eqqakkanik nunanut allanut taamaallaat aallarussisoqarsinnaavooq.

Imm. 4. Nuna eqqussivissaq imaluunniit nunat akunniffissat eqqakkanik tiguserusunnginnissaat tunngavissalimmik ilimagineqarpat, Naalakkersuisut eqqakkanik avammut nassiussinissamut inerteqquteqarsinnaapput.

Imm. 5. Naalakkersuisut eqqakkanik eqqussisarnermut avammullu nassiussisarnermut maleruagassanik aalajangersaasinnaapput."

4. Kapitali 7 kingorna ikkunneqassaaq:

"Kapitali 7 a
Mingutsitsinerit allat

§ 40 a. Naalakkersuisut nukissiuutit, akuutissat atortussalluunniit sorianit pisut, Inatsisartut inatsisaanni aalajangersakkanut allanut ilaangitsut atorlugit mingutsitsinissap pinaveersaartinnissaanut pinngitsoortinnissaanullu maleruagassanik aalajangersaasinnaapput, peqqussuteqarsinnaapput imaluunniit inerteqquteqarsinnaapput, kiisalu piumasaqaateqarsinnaallutik, suliat taakku inatsimmut allamut ilaangippata."

5. Kapitali 11-ip qulequtaa imatut oqaasertalerneqassaaq:

"Attaveqaqtigijinneq tamanullu ammasumik saqqummiussisarneq"

6. § 48 imatut oqaasertalerneqassaaq:

"§ 48. Inatsisartut inatsisaat malillugu akuersissutit, akuersissutinik tunniussinissaq allanilluunniit aalajangiinissaq nalunaaruteqarnissarlunniit sioqqullugu Naalakkersuisut innuttaasunik attaveqaqateqartarnermut, tamanut ammasumik saqqummiussisarnermut tamanillu akuutitsisarnermut maleruagassanik sukumiinerusunik aalajangersaasinnaapput. Aamma Naalakkersuisut Inatsisartut inatsisaanni suliassaqarfinnut tunngatillugu pilersaarusrornermi tamanik akuutitsinissamut maleruagassanik aalajangersaasinnaapput.

Imm. 2. Naalakkersuisut imm. 1 naapertorlugu innuttaasunik attaveqaqateqarnermi kiisalu tamanut ammasumik saqqummiussinermi aammalu tamanik akuutitsinermi taamaallaat atortut digitaliusut atorneqarnissaannut maleruagassanik aalajangersaasinnaapput."

7. § 53, imm. 1-imi naggatip aappaattut ikkunneqassaaq:

"Nalunaaruteqartussaatitaaneq taanna Inatsisartut inatsisaat imaluunniit taanna tunngavigalugu maleruagassiat aalajangersarneqartut uniorlugit suliaq mingutsitsinermik kinguneqarpat imaluunniit tamatumunnga ulorianartorsiortitsippat atutissaaq."

8. § 53, imm. 1-ip kingorna immikkoortoq nutaaq una ikkunneqassaaq:

"*Imm. 2. Nunaminertami mingutsitsisoqartoq paasineqarpat, nunaminertamik atugassinneqarsimasoq imaluunniit atuisinnaatitaasoq erngerluni nakkutilliinermut oqartussaasunut nalunaaruteqassaaq.*"

Tamatuma kingorna imm. 2 imm. 3-nngorpoq.

9. § 54-ip kingorna ikkunneqassaaq:

"**§ 54 a.** Inuk imaluunniit suliffeqarfik nakkutilliinermut oqartussaasunut ilisimatitsinissamik kissaateqanngippat, suliap Kalaallit Nunaannut eqqartuussisarneq pillugu inatsit naapertorlugu misissuinerup ingerlaqqinnissaanut atugassatut Kalaallit Nunaanni Politiiinut tunniunneqannginnerani pineqartup akiligaanik nakkutilliinermut oqartussaasut pisariaqartinneqartunik misissuisinnaapput, Inatsisartut inatsisaat imaluunniit taanna tunngavigalugu maleruagassiarineqartut unioqqtinnejarsimanersut misissuiffigalugu.

§ 54 b. Inatsisartut inatsisaanni matumani maleruagassat naapertorlugin nakkutilliinermi akulerunnermiluunniit nakkutilliinermut oqartussaasut upternarsaatissanik assiliisinnaapput, assileeqqissinnaapput tigusisinnaallutilluunniit imaluunniit pigisanik allanik tigusisinnaallutik. Allagaatit pigisallu tiguneqarsimanerinut atsiorneq tunniunneqassaaq. Allagaatit pigisallu misissueqqissaarnermut atorneqartussaanngitsut misissuinermit kingusinnerpaamik ulluinnaat 14-it qaangiutsinnagit suliffeqarfimmut utertinnejassapput."

10. Kapitali 13 kingorna ikkunneqassaaq:

"Kapitali 13 a
Aalajangersakkat allat

§ 59 a. Avatangiisit eqqarsaatigineqarnerini imaluunniit nunani tamalaani isumaqatigiissutit malinniarneqarnerini pisariaqartinneqarpat, Inatsisartut inatsisaat manna imaluunniit avatangiisink innarlitsaliuinermut maleruagassaasimasut naapertorlugin akuersissutit tunniunneqartut, akuersissutit aamma immikkut ittumik akuersissutit allangortinneqarsinnaapput utertinnejqarsinnaallutilluunniit. Allannguineq utertitsinerluunniit sapinngisamik tamatumunnga piffissaliussamik naammaginartumik malitseqartinneqartassaaq.

Imm. 2. Imm. 1 akuersissutinut, kapitali 5-imut ilaatinneqartunut atuutinngilaq."

11. § 66 imatut oqaasertalerneqarpoq:

"§ 66. Akiliisitsinermik pineqatissinnejarsinnaavoq:

1) § 35, imm. 3, § 52, aamma § 54, imm. 1 aamma 2 malillugit peqquneqarnerminik malinninngitsoq.

- 2) § 53, imm. 1 aamma 2 naapertorlugit nalunaaruteqanngitsoortoq.
- 3) § 19, imm. 1 aamma 3, § 31, imm. 2, § 32, imm. 1 aamma 2, aamma § 38, imm. 2. naapertorlugit akuersisummiq pissarsinianngitsoortoq.
- 4) § 16, § 17, imm. 1-3, §§ 20-23, § 25, § 30, § 36, imm. 4, § 38, imm. 4, § 40 a, § 49, imm. 5, § 50, aamma § 54, imm. 3 naapertorlugit peqqussuteqarnermik, inerteqquteqarnermik piumasaqaateqarnermilluunniit unioqqutitsisoq.
- 5) § 15, imm. 1 aamma 2, § 28, imm. 2, § 37, § 38, imm. 1 aamma imm. 3, § 41, imm. 1, § 53, imm. 3, aamma § 64, imm. 1-inik unioqqutitsisoq.

Imm. 2. § 35, imm. 1-imik unioqqutitsisoq akiliisitsinermik pineqaatissinneqarsinnaavoq, eqqagassaqalersitsilluni, eqqagassanik uninngatitsilluni, assartuilluni, suliaqarluni imaluunniit eqqakkanik eqqaalluni:

- 1) allat peqqissusaannik navianartorsiortitsisoq, imaluunniit
- 2) silaannarmi, imermi, sermimi, qaqqami imaluunniit nunami mingutsitsisoq.

Imm. 3. § 10, § 18, § 19, imm. 4, § 27, § 34, § 36, imm. 3, § 38, imm. 5, § 40, § 40 a imaluunniit § 42 naapertorlugit akiliisitsinermi akisussaasusoq pillugu maleruagassanik aalajangersaasoqarsinnaavoq.”

§ 2

Inatsisartut inatsisaat manna atuutilerpoq ulloq 2. december 2021.

Namminersorlutik Oqartussat, ulloq 1. december 2021

Múte Bourup Egede
Naalakkersuisut Siulittaasuat

Namminersorlutik Oqartussat

Imaneq 4
3900 Nuuk
E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat

Naalakkersuisut